

BASCOUL (Jean), notaire de Villemur, Villemur-sur-Tarn, minutes 1621-1623, f° 136 & ss., Archives départementales de la Haute-Garonne, cote 3 E 21782, PH/JG/20150819 & PH/JCHR/1120360.

C. xxxvi

(...)

Mariage / cousturier / de reynes

Au nom de dieu soict l **an mil six cens vingt deux** et le **vingt uniesme** jour du mois de decembre apres midy dans la **maison de m(aître) jean reynes pra(tici)en** en la ville de **villemur** etc()regnant louys etc()pardevant moy notaire et tesmoingz bas nommes personnellement estably

..... ;

jean cousturier, bolonger du lieu de()**terné en dauphiné habitant a present** dud(it) **villemur** d'une part et **jeanne de reynes filhe dud(it) m(aître) jean reynes et de madonne anne de barthe** mariés d'autre part, lesquelles partyes de gré soubz reciproques stipula(ti)ons et accepta(ti)ons sur lé mariage entreux traicté & que moyenant la grace de dieu s'accomplira ont faictz les pactes et conven(ti)ons suyvantes, premierement led(it) cousturier a promis et()promect de prendre a femme et loyalle espouze lad(ite) de reynes et icelle de reynes de l'advis et con(s)e(i)l desd(its) reynes et barthe maries ses pere et mere illec presens consentans et quand a ce l'authoriznt a aussi promis et()promect de prendre pour son mary et legitime espoux led(it) cousturier et respectivement promettent de solempnizer led(it) mariage en la forme de la relligion catholique appostolique romayne de jo(ur) en jour a la premiere requizi(ti)on de l'une ou de l autre des partyes les anonces faictes et legitime empechem(en)t cessant / a faveur et contempla(ti)on duquel mariage et()pour ayder a supporter les charges d()icelluy led(it) reynes pere a donné et constitué donne et constitue en dot et verquiere a lad(ite) jeanne de reynes sa filhe avec led(it) cousturier son futur espoux stipulant et acceptans, la somme de cent vingt livres t(ournoi)z qu'il leur promect payer dans quatre annees et()sera tenu de leur bailler telle partye de sa maison

..... ;

C xxx vii

assize a la rue des faures aud(it) villemur et ou il faict

maintenant sa dem(e)ure, qu'il sera necessaire pour
en icelle faire leur habita(ti)on et rezidance pendant
leur vye, sans qu'ilz soient tenus d'en payer
aucung louage ny de tremper a aucunes charges
aussi lad(ite) barthe a mesme contempla(ti)on
que dessus a donne et constitué de ses droictz
par(ticuli)ers a lad(ite) de reynes sa filhe stipulant
comme d(it) est pareille somme de cent vingt
livres t(ournoi)z payable incontinant apres son deces
et non plustost et moyenant ce dessus lad(ite) de
reynes sera tenue de faire quittance de()tous
droictz paternelz et maternelz sauf de future
sucedion / pareillement icelle de reynes s'est
onstitue en dot ung lit concistant en archelit
boys de noyer presque neuf, coitte coissin remplis
de plume, une couverte blanche et deux linseulz
bons et()suffizans, une douzaine serviettes de palmettes
troys napes bonnes et()suffizantes, troys assiettes
deux platz et()une escuelle estain,]et[un coffre
boys de chaisne, une table boys de]ehaisne[noguier et deux
bancz boys de chaisne vieux qu'elle promet de
bailler et deslivrer a sond(it) futur espoux de jour en
jour dont & des susd(ites) sommes ensemble de tous
au(tr)es droictz que led(it) cousturier recepvra de sad(ite) fem(m)e
icelluy sera tenu faire recognoissance & le mettre et

.....

assigner en (et) sur tous et checuns ses biens p(rese)ns et advenir
pour estre rndu et restitué a lad(ite) de reynes ou au(tr)es
ayant d'elle droict, le cas et lieu de restitu(ti)on
advenant avec le droict d'augmant /]suyvant[/ la ^o finalement
declarent lesd(ites) partyes]entendre[faire les p(rese)ns pactes
suivant la coustume de la presant ville de villemur
quy est telle que la femme predecendant au mary icell(ui)
]de[jouyt / durant sa vye / des droictz consitues en dot par la femme
et au contr(aire) le mary predecendant a la femme
icelle recouvre son adot avec droict d'augment quy
est moytie moingz pour jouyr dud(it) augment
aasi sa vye durant et outre ce luy appartient
ses bagues et()joyaux, ou bien prend pention sur
les biens du mary suivant sa qualitté et()portee
d()iceux / tant que vist viduellement et honnestem(en)t /, ainsi l()ont convenu et arresté et()promis
respectivem(en)t observer a()l'obliga(ti)on de()tous]ses[
leurs biens p(rese)ns et advenir mesmes lesd(its) futurs
expoux de leurs personnes a()l()effect dud(it) mariage
submettant le tout aux rigueurs de justice
avec les renon(ciations) requizes et l()ont juré par
serm(en)t faict et recitte ez presences de
noble jean louys de caujac lieutenant au

gouvernem(en)t de villemur jean de labrosse escuyer
du lionnois, alexandre lacaille sergent de la
compagnie du ch(ate)au de lad(ite) ville, hierosme olivier
de()normandye, pierre dugry marchand et david
dupuy aussi marchand de la mesme ville soubz(sig)nes
^o suyvant la coustume gen(er)alle du p(rese)nt pays de languedoc

.....

C. xxx viii.

ceux qui savent avec les partyes aussy
quy savent et moy not(air)e requis.

Suivent les signatures